

Broj: 01-01.3-3301-10/15 S.L.

Mostar, 02.09.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-3301-9/15 S.L. od 01.09.2015. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u postupku dodjele ugovora iz Aneksa II. Dio B Zakona

I

Ugovor za nabavku usluga „Sistematski pregled radnika“ u vrijednosti od 63.800,00 KM bez uključenog PDV-a se dodjeljuje ponuđaču „BOSNA-SUNCE OSIGURANJE d.d. Sarajevo – Podružnica Sarajevo, sa registriranim sjedištem u ul. Trg međunarodnog prijateljstva broj 20/I, Sarajevo, jer je podnio prihvatljivu ponudu sa najnižom cijenom.

IV

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

O b r a z l o ž e n j e

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu sa članom 8. Zakona o javnim nabavkama („Sl.glasnik BiH“ broj: 39/14“), te je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 104/14) uputio pismeni poziv za dostavu ponuda za nabavku usluga: „Sistematski pregled radnika“.

Ugovorni organ je objavio poziv za dostavu ponuda na svojoj web stranici. Na osnovu poziva svoju ponudu je, do roka traženog u pozivu za dostavljanje ponuda, dostavio samo jedan ponuđač i to: „Bosna Sunce“ osiguranje d.d. Sarajevo; podružnica Sarajevo, koji je ponudio jediničnu cijenu po jednom pregledu radnika od 280,00 KM, odnosno ukupno za 232 radnika 64.960,00 KM.

Nakon provedenih pregovora cijena je korigirana na 275,00 KM po jednom radniku odnosno ukupna cijena iznosi: 63.800,00 KM, odnosno odobren je popust u iznosu od 1,7857%.

Kriterij za dodjelu ugovora je „najniža cijena“.

Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te je u skladu sa članom 10. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama pozvala ponuđača na pregovore.

Komisija je prema članu 65. ZJN pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu Komisije za javne nabavke ugovor za nabavku usluga „Sistematski pregled radnika“ u vrijednosti od 63.800,00 KM bez uključenog PDV-a se dodjeljuje ponuđaču „BOSNA-SUNCE OSIGURANJE d.d. Sarajevo – Podružnica Sarajevo, sa registriranim sjedištem u ul. Trg međunarodnog prijateljstva broj 20/I, Sarajevo, jer je podnio prihvatljivu ponudu sa najnižom cijenom.

Ugovorni organ će objaviti dobrovoljno ex-ante obavještenje o transparentnosti na Portalu javnih nabavki.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana objave dobrovoljnog ex-ante obavještenja o transparentnosti.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**Izvršni direktor
Sektor za pravne poslove:**

.....
Ante Zorić, dipl.ecc.

Direktor:

.....
mr.sc. Ensad Karić



Dostaviti:

- ponuđačima koji su predali ponude
- a/a



.....

Broj: 01-01.3-3301 -9/15 S.L.
Mostar, 01.09.2015. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 10. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ br. 104/14) i članom 14. Pravilnika o javnim nabavkama JP „Autoceste FBiH“ d.o.o Mostar, Komisija dostavlja:

ZAPISNIK O PREGLEDU I OCJENI PONUDA

1. Naziv i sjedište ugovornog organa: JP „Autoceste FBiH“ d.o.o. Mostar;
2. Predmet nabavke: Sistematski pregled radnika za period od 12 mjeseci od zaključivanja ugovora, CPV KOD 85140000-2; zdravstvene usluge;
3. Vrsta postupka javne nabavke: Postupak nabavke na koju se primjenjuje poseban režim shodno članu 8. Zakon o javnim nabavkama („Službeni glasnik BiH“, broj: 39/14).
4. Broj nabavke: 01-01.3 – 3301/15 S.L.
5. Podaci o objavi: Poziv objavljen na web stranici Ugovornog organa dana 13.07.2015. godine
6. Kriterij za dodjelu ugovora: „najniža cijena“
7. Procijenjena vrijednost nabavke bez PDV-a: 65.000,00 KM bez PDV-a.
8. Datum početka pregleda i ocjena ponuda: 28.08.2015. godine
9. Naziv i sjedište svih ponuđača, prema redoslijedu zaprimanja ponuda:
 1. „Bosna Sunce“ osiguranje d.d. Sarajevo; podružnica Sarajevo, koji je ponudio jediničnu cijenu po jednom pregledu radnika od 280,00 KM, odnosno ukupno za 232 radnika 64.960,00 KM.
10. Podaci o pojašnjenju u skladu sa članom 68. stav (3) Zakona: Nije traženo pojašnjenje ponude.
11. Podaci o pregovaranju: Pregovori su vršeni u jednom krugu. Izvještaj o izvršenim pregovorima je dostavljen u prilogu zapisnika.
12. Prijedlog direktoru JP „Autoceste FBiH“ d.o.o. Sarajevo za donošenje odluke o dodjeli ugovora:



Shodno gore navedenom predlaže se direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da za nabavku usluga „Sistematski pregled radnika“ donese sljedeću odluku:

1. Ugovor za nabavku usluga „Sistematski pregled radnika“ u vrijednosti od 63.800,00 KM bez uključenog PDV-a se dodjeljuje ponuđaču „BOSNA-SUNCE OSIGURANJE d.d. Sarajevo – Podružnica Sarajevo, sa registriranim sjedištem u ul. Trg međunarodnog prijateljstva broj 20/I, Sarajevo, jer je podnio prihvatljivu ponudu sa najnižom cijenom.

13. Datum završetka pregleda i ocjena: 01.09.2015. godine

14. Ime i prezime osoba koje su izvršile pregled i ocjenu ponuda:

Članovi komisije:

Mirza Resić, predsjednik komisije.....

Aida Demir, član komisije.....

Lejla Hodžić, član komisije.....

Za sekretara Komisije imenovana je Senada Lizde.

15. Popis priloga uz zapisnik (zahtjevi za pojašnjenjem ponuda, zahtjevi za dostavu originala ili ovjerenih kopija traženih dokumenata, zahtjevi za prihvatanje ispravke računске greške, zahtjevi za objašnjenjem ne prirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili nezavisne stručne osobe ili sl.):

1. Kopija zapisnika o provođenju pregovora – prvi krug
2. Kopija Zapisnika o zaprimanju ponuda



Saglasan:

.....
mr.sc. Ensad Karić, direktor

Broj: 01-01.3-3301 -8/15 S.L.
Mostar, 01.09.2015. godine

U skladu sa članom 10. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ br. 104/14), Komisija dostavlja:

ZAPISNIK O PROVOĐENJU PREGOVORA PRVI KRUG

Pregovori održani 31.08.2015. godine u prostorijama JP „Autoceste FBiH“ d.o.o. Mostar sa početkom u 15:00 sati.

Sastanku prisustvuju sva tri člana komisije imenovana rješenjem broj: 01-01.3-3301-2/15 S.L. od 16.07.2015. godine.

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu sa članom 8. Zakona o javnim nabavkama („Sl. glasnik BiH“ broj: 39/14“), te je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 104/14) uputio pismeni poziv za dostavu ponuda za nabavku usluga: „Sistematski pregled radnika“.

Ugovorni organ je objavio poziv za dostavu ponuda na svojoj web stranici. Na osnovu poziva svoju ponudu je, do roka traženog u pozivu za dostavljanje ponuda, dostavio samo jedan ponuđač i to: „Bosna Sunce“ osiguranje d.d. Sarajevo; podružnica Sarajevo, koji je ponudio jediničnu cijenu po jednom pregledu radnika od 280,00 KM, odnosno ukupno za 232 radnika 64.960,00 KM.

Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te je u skladu sa članom 10. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama pozvala ponuđača na pregovore.

Komisija za nabavke je pripremila Spisak pitanja koja će postaviti ponuđaču u toku pregovora i provela pregovore sa ponuđačem o dostavljenoj ponudi ponuđača. Izvještaj o izvršenim pregovorima je sastavni dio ovog zapisnika.

Članovi komisije:

Mirza Resić, predsjednik komisije.....

Aida Demir, član komisije.....

Lejla Hodžić, član komisije.....

Za sekretara Komisije imenovana je Senada Lizde.

Prilog:

- Izvještaj o izvršenim pregovorima

Saglasan:

.....
mr.sc. Ensad Karić, direktor

Broj: 01-01.3-3301 -7/15 S.L.
Mostar, 01.09.2015. godine

U skladu sa članom 65. Zakona o javnim nabavkama („Službeni glasnik BiH“, broj 39/14), člana 20. Uputstva za pripremu tenderske dokumentacije i ponuda i člana 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

IZVJEŠTAJ O IZVRŠENIM PREGOVORIMA

Sastavljen dana 31.08.2015. godine u 15:00 sati u Sali JP „Autoceste Federacije BiH“ d.o.o. Mostar, Operativni ured na adresi Dubrovačka 6 u Sarajevu, u predmetu: pregovori o dostavljenoj ponudi u usluge po posebnom režimu iz iz Aneksa II. Dio B Zakona o javnim nabavkama za pružanje usluga: „Sistematski pregled radnika“, koji se sprovodi u skladu sa članom 8. Zakona o javnim nabavkama („Službeni glasnik BiH“ broj 39/14) i prema Pravilniku o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 104/14).

Prisutni:

1. Alen Hujčić, ovlaštenu predstavnik „Bosna Sunce“ osiguranje d.d. Sarajevo, podružnica Sarajevo;
2. Danijela Kristić, ovlaštenu predstavnik „Bosna Sunce“ osiguranje d.d. Sarajevo, podružnica Sarajevo;
3. Mirza Resić, predsjednik komisije
4. Aida Demir, član komisije,
5. Lejla Hodžić, član komisije i
6. Senada Lizde, sekretar komisije

Komisija je uputila poziv za pregovore sa ponuđačem dana 31.08.2015. Zakazani su pregovori za 31.08.2015. godine u 15:00 sati.

Komisija je prije provođenja pregovora pripremila spisak pitanja za ponuđača:

- Pojasniti način rada dioničarskog društva „Bosna Sunce“ osiguranje d.d. Sarajevo;
- Pojasniti način izvršenja usluge;
- Pojasniti način rada, međusobni odnos ponuđača i podgovarača Poliklinika „H“ Mostar;
- Pojasniti dostavljenu ponudu;
- Pojasniti uvjete izvršenja ugovora;
- Razmotriti ponuđenu cijenu.

1. Pregovori o dostavljenoj ponudi, tehničkim, pravnim i ekonomskim uvjetima za uspješno okončanje planiranih aktivnosti vode se između Komisije za javnu nabavku JP „Autoceste

Federacije BiH“ d.o.o. Mostar imenovane Rješenjem broj: 01-01.3-3301-2/15 S.L. od 17.06.2015. godine i Ponuđača „Bosna Sunce“ osiguranje d.d. Sarajevo; podružnica Sarajevo, koga predstavljaju ovlaštene predstavnici: Alen Hujčić i Danijela Kristić.

2. Pregovori se vode u Sali Operativnog ureda Sarajevo, Dubrovačka 6, Sarajevo. G-din Mirza Resić, predsjednik Komisije za javnu nabavku JP „Autoceste Federacije BiH“ d.o.o. Mostar je kratko upoznao predstavnike Ponuđača o problematici predmetne nabavke, elementima ponude i načinu pregovaranja, što će dovesti do međusobnog usaglašavanja i konačne ponude Ponuđača.
3. Predstavnik Ponuđača g-din Alen Hujčić je obrazložio stavove društva po postavljenim pitanjima:
 - Bosna Sunce osiguravajuće društvo je oragnizirano iz šest podružnica i zajedničke direkcije društva. Svaka podružnica djeluje kao zasebni privredni subjekt, te je na osnovu toga ponudu potpisala direktor podružnice Sarajevo, koja je ponuđač u ovom postupku. Poliklinika Bosna Sunce je zajednička za sve podružnice;
 - Međutim, kako direktor podružnice ima ograničenje za potpisivanje dokumentacije do 5.000,00 KM, ponuđač je dostavio punomoć direktora društva da direktor Podružnice Jasna Frljak može potpisivati dokumentaciju i ugovor za nabavku usluga „Sistematski pregled radnika“ za JP Autoceste FBiH d.o.o. Mostar;
 - Način vršenja usluge je takav da društvo izdaje kartice za sistematski pregled naslovljene na ime i prezime radnika. Radnici mogu izvršiti jedan sistematski pregled i ostale indicirane preglede sa popustom od 50% tokom godine dana.
 - U Poliklinici „H“ Mostar, Blajburških žrtava bb; Mostar predviđeno je obavljanje sistematskih pregleda za uposlene radnike u Mostaru. Ostavljena je mogućnost, pošto je poliklinika u Sarajevu bolje opremljena, da se radnici svojevrijedno izjasne gdje žele izvršiti sistematski pregled. U dostavljenoj ponudi je greškom dostavljen Ugovor o poslovnoj suradnji između Poliklinike Eurofarm Sarajevo i Poliklinike „H“ Mostar, a koji nije ni tražen pa nije relevantan.
 - Radnicima je ostavljeno na volju da dolaze u grupama ili pojedinačno u dogovoru sa glavnom sestrom. Sistematski pregled za žene uobičajeno traje do tri sata a za muškarce do dva sata i trideset minuta.
 - Fakturiranje se obavlja po stvarno izvršenim uslugama sistematskog pregleda;
 - Cijeneći dosadašnju suradnju, značajno povećan obim usluga, društvo je ponudilo minimalno moguću cijenu za sistematski pregled po jednom radniku. Na osnovu navedenih činjenica Naručitelju JP Autoceste FBiH d.o.o. Mostar je odobren popust od 50% za dalje indicirane naknadne preglede, što je još jedna pognodost za radnike Naručitelja.
4. Komisija za nabavke Naručitelja je konstatairala da su radnici JP Autoceste FBiH d.o.o. Mostar zadovoljni dosadašnjom suradnjom i pruženim uslugama.
5. Ovlaštene predstavnici Ponuđača Alen Hujčić i Danijela Kristić su upoznati sa prijedlogom da se još jednom analizira i razmotri mogućnosti korekcije ponuđene cijene, te su se složili da je minimalna cijena koju društvo može ponuditi za navedeni obim usluga 275,00 KM po jednom radniku odnosno ukupna cijena iznosi: 63.800,00 KM, odnosno odobren je popust u iznosu od 1,7857%.
6. Dogovoreno je da je to konačna cijena i da su sva pitanja vezana za ugovor za nabavku usluga: „Sistematski pregled radnika“ razriješena, te nema potrebe za dodatnim pregovorima.



7. Dogovoreno je da će svi eventualni sukobi i nesuglasice rješavati dogovorom.

8. Strane zajednički potpisuju ovaj Izvještaj o izvršenim pregovorima

Predstavnici ponuđača:

Alen Hujčić

Danijela Kristić



Članovi komisije:

Mirza Resić, predsjednik komisije

Aida Demir, član komisije

Lejla Hodžić, član komisije

Za sekretara Komisije imenovana je Senada Lizde.

Saglasan:

.....
mr.sc. Ensad Karić, direktor



ZAPISNIK
o zaprimanju ponuda
/prilog Zapisniku o otvaranju ponuda/

Broj nabavke: 01-01.3-3301/155.L

Naziv predmeta nabavke: SISTEMATSKI PREGLED RADNIKA

Krajnji rok za dostavljanje ponuda: 20.07.2015. u 12:00

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	BOSNA SUNCE OSIGURANJE D.D. SARAJEVO	20.07.2015.	08:55	DA	NE	-

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Amin Džerlan
 Sekretar Komisije Senada Ludo

